



Universitätsbibliothek Paderborn

**IN NOMINE DOMINI AMEN. Tenore præsenti publici
Instrumenti cunctis idipsum uisuris seu legi auditoris
pateat || euidenter, & sit notum, Quod anno Domini
Millesimo, Quingentesimo, || ...**

Diözese Köln

[Köln?], [1544]

[Text]

urn:nbn:de:hbz:466:1-35005

44
 8 96a

IN NOMINE DOMINI AMEN. Tenore præsen-
 tis publici Instrumenti cunctis id ipsum uisuris seu legi audituris pateat
 euidenter, & sit notum, Quod anno Domini Millesimo, Quingentesimo,
 Quadragesimoquarto, Indictione tertia, secundum usum, stilum & scriben-
 di consuetudinem Ciuitatis & Diocesis Colonien. die uero Sabbati, octa-
 ua Mensis Nouembris, Pontificatus sanctissimi in Christo patris & do-
 mini nostri, domini Pauli, Diuina prouidentia Papæ tertij, anno undecimo.
 Imperij autem Sacratissimi & Inuictissimi Principis & domini, domini
 Caroli, huius nominis quinti Romanorum Imperatoris, semper Augusti,
 ac Hispaniarum Regis Catholici & c. Domini nostri clementissimi, an-
 no uicesimoquarto, In meo Notarij publici, testiumq; infrascriptorum ad
 hoc specialiter uocatorum & rogatorum præsentia, ad infrascripta gerē-
 da & agenda, personaliter constituti Venerabiles & honorabiles domini
 Decanus & Capitulum ecclesie sancti. N. per organum uenerabilis domi-
 ni. N. enarrari & exponi fecerunt, qualiter Reuerendum & Insigne Cas-
 pitulum ecclesie metropolitanae Colonien. ipsis quoddam autenticum Ex-
 emplar cuiusdam publici Instrumenti Prouocationis & Appellationis a qu-
 busdam longe maximis & intolerabilibus grauaminibus, præfatis Capitu-
 lo, Clero & Vniuersitati Ciuitatis, imo toti Clero Diocesis Colonien.
 per Reuerendiss. in Christo patrem & dominū nostrū, dominū Hermannū
 sanctæ Colonien. Ecclesie Archiepiscopum, Principem Electorē & c.
 illatis & inferendis, & inferri comminatis, interpositæ, una cum suis lite-
 ris eorum sigillo autentico communitis, transuaserint & intimaerint, ip-
 sosq; ulterius serio hortari & requiri fecerint, ut memorata Appellati-
 onē, ueluti sana membra unius eiusdemq; corporis decet, adhererent, eamq;
 una cum illis donec Reuerendiss. dominus noster Archiepiscopus antedi-
 ctus iamdicta grauamina sustulerit prosequerentur. Cuius quidem Instru-
 menti principium & finis cum totali eius subscriptione sequuntur per or-
 dinem. **IN NOMINE DOMINI AMEN.** Nouer-
 rint uniuersi præsentēs literas inspecturi, Quod anno & c. Finis uero talis:
 Subijciens me & c. Ita subscriptum: Et ego Thielmannus Grauius, Cle-
 ricus Colonien. publicus sacris Apostolica & Imperiali autoritatibus
 Notarius, & Capituli Metropolitanae Colonien. Ecclesie Secretarius.
 iuratus. Quia prædictæ Appellationis, coram præfato Reuerendo & Il-
 lustrissimo Principe, domino Georgio Duce, Præposito & Cancellario,
 in præsentia dominorum prædictorum Interpositioni ac Prouocationi &
 Appellationi, Apostolorumq; petitioni, & testimoniali iudicationi, omni-
 busq; alijs & singulis præmissis, dum sic ut præmittitur fierent & ageren-
 tur, una cum testibus prænominatis interfui, eaq; omnia & singula sic fieri

uidi & audiui, ac partim peregi. Ideo hoc praesens publicum Instrumentum in quatuor folijs precedentibus (me interim aliunde legitime praepedito) fideliter conscriptum, exinde confeci, subscripsi, publicavi, & in hanc publicam formam redegi, signoq; nomine & cognomine meis solitis & consuetis signavi, rogatus pariter & in uim iuramenti mei, Reuerendis & Illustribus ac eximijs dominis meis de Capitulo Colonien. Ecclesiae praetactae olim praestiti, serio admonitus & requisitus, In fidem & testimonium omnium singulorum praemissorum. Considerantes itaq; praefati domini Decani, & Capitulum, uti per organum praefati domini N. subiunxerunt eiusmodi Appellationem ex iustis, legitimis, urgentibus, & ineuitabilibus causis interpositam, eandemq; etiam interpositionem & prosecutionem non minus ipsis q; praefato insigni Capitulo, Clero & Vniuersitati Ciuitatis Colonien. ad occurrendum grauaminibus in eadem narratis & contentis necessariam: uolentesq; propterea memorata pia adhortationi & requisitioni (ut decet) parere & obtemperare, ulterius omnes & singuli dixerunt, & quilibet eorum dixit, se eiusmodi Appellationi tanquam iustae, rationabili, legitima & necessaria (citra tamen Reuerendiss. domini nostri Archiepiscopi Colonien. antedicti, & alterius cuiuscumq; iniuriam & contumeliam, de quo solenniter & expresse protestabantur) adhaerere, eademq; una cum praefatis Capitulo, Clero & Vniuersitate, pro suo interesse, coram sanctissimo domino nostro Papa, & sacratissima Caesarea Maiestate, & eorum quolibet prosequi uelle, prout etiam euestigio eisdem Appellationi infra decem dies a die noticia (uti dixerunt) omnibus melioribus modo, uia, iure, causa & forma, quibus melius & efficacius potuerunt & debuerunt, expresse adhaeserunt, & quilibet eorum adhaesit, seq; adhaerere dixerunt expresse. Necnon & ulterius similibus modo & forma melioribus, quibus potuerunt & debuerunt, fecerunt, constituerunt, creauerunt, & solenniter ordinarunt, suos ueros, certos, legitimos & indubitatos Syndicos siue Procuratores, actores, factores, & negotiorum suorum infra scriptorum gestores ac nuncios speciales & generales: Ita tamen, quod specialitas generalitati non deroget, nec e contra, Videlicet uenerabiles, egregios & eximios, necnon honorabiles & prouidos uiros dominos & magistros, Aloisium de Aragonia, Aduocatum Consistorialem, Ciuem Romanum: Ioannem Lemmeken Iuriu Doctorem, in Romana curia causarum Procuratorem: Ioannem Hominis, audientiae litterarum contradictarum Notarium & Scribam, Canonicum Cathedralis ecclesiae Sarnensis: Hericum de Wilshusen, & Gosuwinum de Venrade, almae Vniuersitatis studij generalis Colonien. Pedellos iuratos: & Franciscum de Hodegia, sancti Cuniberti, & Rutgerum Postell, diui Gereonis Collegiarum eccle

fiarum Colonien. Vicarios: necnon Ioannem Reynen, ceterosq; Curiarum
& locorum Bruxellen. & Mechlinien. causarum Procuratores, omnesq;
etiam & singulos Syndicos siue Procuratores, per præfatos Capitulum,
Clerum & Vniuersitatem, ad prosequendum Appellationem prædictam
quomodolibet constitutos: Dantes & concedentes eisdem, & eorum cuius
bet omnem potestatem & facultatem agendi, procurandi, gerendi, exercens
di & faciendi, omnia & singula quæ uigore Syndicatus seu Procuratio
nis mandati seu constitutionis per præfatos Capitulum, Clerum & Vni
uersitatem factorum, gerere & facere possunt & debent: Cum potestate
substituendi unum uel plures Syndicum seu Procuratorem, & seu Syndicos
siue Procuratores, & eosdem ac quemlibet eorum rursus reuocandi, &
onus procurationis huiusmodi in se iterum reassumendi. Promittentes insu
per præfati domini adhaerentes & constituentes, & quilibet eorum promi
sit mihi Notario publico infra scripto, tanq; publica & authentica perso
na, solemniter stipulanti & recipienti, uice & nomine omnium & singulo
rum quorum interest, intererit, seu interesse poterit quomodolibet, in futu
rum seratum, gratum atq; firmiter perpetuo habituros, totum id quicquid p
dictos eorum Syndicos seu Procuratores constitutos & substituendos ab eis
seu eorum altero, actum, dictum, gestum, procuratum, factiue fuerit in præ
missis seu aliquo præmissorum. Releuantes nihilominus & releuare uolens
tes præfatos Syndicos & seu Procuratores suos ab omni onere satisfaciendi,
iudicioq; sisti, & iudicatum solui, Cum omnibus & singulis clausulis neces
sarijs & opportunis, sub hypoteca & obligatione omnium & singulorum
bonorum suorum, mobilium & immobilium, præsentium & futurorum, ac
sub omni alia iuris & facti renunciatione adhæc necessaria pariter & cau
tela. De & super quibus omnibus & singulis præmissis ijdem Domini con
stituentes sibi a me Notario publico infra scripto, unum uel plura, publicum
seu publica fieri, confici atq; tradi petierunt Instrumentum & Instrumenta,
in meliori forma. Acta fuerunt & sunt hæc ante locum seu Cameram Ca
pitularem Ecclesiæ Metropolitanæ antedictæ, sub anno Domini, Indictis
one, Die, Mense, Hora, Pötificatu & Imperio Romano prædictis. Præ
sentibus ibidem prouidis & discretis uiris. N. & N. testibus, ad præmis
sa uocatis pariter atq; rogatis.

Et ego. N. publicus & c.

[Faint, illegible text, likely bleed-through from the reverse side of the page]

[Faint, illegible text at the bottom of the page]